

1. 2. 1639 Luce
DECLARATION

DV ROY, PORTANT
Reglement sur les Estoffes & façon
des Habits, AVEC defenses de por-
ter Passemens d'or, d'argent, & toutes
sortes de Dentelles, Entre-toiles, De-
coupures, Languettes, Poinct de Gen-
nes, Poinct-coupez, & autres Ouura-
ges de fil quelconques.

Prisee en Parlement le vingt-unième
Februar 1643.



A PARIS;

ANT. ESTIENE, Premier Imprimeur
Libr. ordin. du Roy, rue S. Jacques, au
College Royal, deuant S. Benoist.

M. DC. XLIII.

Avec Privilège de sa Maesté.

[Faint, illegible handwriting]

[Faint, illegible handwriting]

[Faint, illegible handwriting]

[Faint, illegible handwriting]

[Faint, illegible handwriting]

[Faint, illegible handwriting]

[Faint, illegible handwriting]

[Faint, illegible handwriting]

[Faint, illegible handwriting]

Case

F

39

7326

1643 Fae

THE NEWBERRY
LIBRARY



L OVIS par la grace de
Dieu Roy de France &
de Nauarre; A tous ceux
qui ces presentes Let-
tres verront, Salut. NOVS auons
fait diuerſes Declarations portant
Reglement ſur les Eſtoffes, façon
des Habits & des Paſſemens de fil,
qui n'ont iuſques icy eu aucun effet;
en ſorte qu'il ſemble que la paſſion
effrenée de nos Sujets à conſom-
mer leurs biens au luxe, ayt plus de
force pour les porter à la deſobeiſ-
ſance de nos Loix, que le reſpect &
l'amour qu'ils doiuent auoir pour
leur Prince, n'en a pour les retenir
dans la reuerence de ſes Comman-

A ij

demens. Nous nous sommes resolu neantmoins, de renouueller les Reglemens qui ont esté cy-deuant faits, & de ne souffrir plus longuement vn si grand mespris de nostre autorité, qui va à la ruine de nos Subjets; & qu'au milieu de si grandes necessitez de nostre Estat, l'on voye vne profusion si excessiue, & des despeses qui ne vont qu'à la vanité, & dont le public reçoit vn notable prejudice: A CES CAUSES, Sçauoir faisons, Qu'apres auoir mis cette affaire en deliberation en nostre Conseil; DE l'Auis d'iceluy, & de nostre certaine science, plaine puissance & autorité Royale, NOUS AVONS ordonné & ordonnons, Que nostre Declaration faite sur la reformation des Habits & Passemens de fil, registrée en no-

5
ltre Cour de Parlement le cinquies-
me iour de Decembre mil six cens
trente-neuf, cy attachée sous le con-
tre-seel de nostre Chancellerie, sera
de nouveau publiée, pour estre ob-
servée en tous les poincts selon sa
forme & teneur.

SI DONNONS EN MANDE-
MENT à nos amez & feaux Conseil-
lers les Gens tenans nos Cours de
Parlemens, Baillifs, Seneschaux ou
leurs Lieutenans, & tous nos autres
Officiers qu'il appartiendra, Que
ces presentes, avec ladite Declara-
tion cy attachée sous nostre contre-
seel, ils facent lire, publier, registrer,
garder & observer inuiolablement
selon leur forme & teneur. EN IOI-
GNONS à nos Procureurs Generaux,
leurs Substituts, y tenir la main, &
faire toutes diligences requises &

necessaires pour ladicte execution;
 CAR tel est nostre plaisir. En tes-
 moin dequoy, nous auons fait met-
 tre nostre Seel à celsdites presentes.
 DONNE' à Saint Germain en Laye
 le dix-neufiéme iour de Feburier,
 l'an de grace mil six cens quarente-
 trois, & de nostre regne le trente-
 troisiéme. Signé, LOVIS: & plus
 bas, Par le Roy, DE LOMÉNIE, &
 scellée sur double queue du grand
 Seau de cire iaune. Et encor est
 écrit:

Registrées, oüy & cerequerant
le Procureur General du Roy,
pour estre executées suivant l'Ar-
rest de ce iour, A Paris en Par-
lement le vingt-uniéme Feburier
mil six cens quarente-trois.

Signé, DV TILLET.

*EXTRAICT DES REGISTRES
de Parlement.*

VE V par la Cour les Lettres Patentes du Roy, données à Saint Germain en Laye le dix-neufiéme de ce mois & an, Signées, LOVIS, & sur le reply, Par le Roy, DE LOMENIE, & seellées sur double queuë du grand Seau de cire iaune : par lesquelles, & pour les causes y contenuës, ledit Seigneur Roy, de l'aduis de son Conseil, ordonne que la Declaration par luy faite le vingt-quatrième Nouembre mil six cens trente-neuf, sur la reformation des Habits & Passemens, registrée en la Cour le cinq Decembre audit an, attachée sous le contre-scel, soit de nouveau

publiée, pour estre obseruée en tous
 ses poincts selon sa forme & teneur,
 ainsi qu'il est plus au long porté
 par leſdites Lettres. VEV auſſi la-
 dite Declaration portant en ſeize
 Articles la reformation des Habits,
 & deſenſes de porter Paſſemens
 d'or, d'argent, & toutes ſortes de
 dentelles de fil & poinct-couppé:
 L'Arreſt de verification dudit cin-
 quième Decembre, par lequel ite-
 ratiues deſenſes auroient eſté faites
 à toutes perſonnes, de porter fraiſes
 ou collets où il y ait tant deſſus que
 deſſous aucunes decoupures de toi-
 le, papier, velin & peintures, ny met-
 tre ou faire mettre aux linceuls &
 draps de liêt, aucuns paſſemens,
 dentelles ou poinct-couppé, ſur les
 peines portées par ladite Declara-
 tion: Concluſions du Procureur
 General

General du Roy, Et tout consideré:
 LADITE COUR a ordonné &
 ordonne, Que lesdites Lettres se-
 ront registrées au Greffe d'icelle,
 pour estre executées; & estre les de-
 fenses portées par ladite Declara-
 tion du vingt-quatre Novembre, &
 Arrest de verification, reiterées à
 cette fin, de nouveau leües & pu-
 bliées, pour estre gardées & obser-
 uées selon leur forme & teneur, &
 copies d'icelles enuoyées aux Sieges
 Presidiaux de ce ressort, pour y estre
 pareillement leües, publiées, regi-
 strées & executées à la diligence des
 Substituts dudit Procureur Gene-
 ral, qui en certifieront la Cour auoir
 ce fait au mois. FAICT en Parle-
 ment le vingt vnième Feburier mil
 six cens quarante-trois.

Signé, DV TILLET.

AVTRE DECLARATION

D V ROY, mentionnée en la
precedente, concernant lesdits
Reglemens & defenses, que sa
Majesté veut à present estre ex-
cutée selon sa forme & teneur.

*Verifiée en Parlement le cinquiesme
Decembre 1639.*

L OVIS par la grace de
Dieu Roy de France &
de Navarre, A tous ceux
qui ces presentes Lettres
verront, Salut. CONSIDERANT
les grandes & excessives despenses
où le luxe & les superfluites enga-
gent nos Subjets, & particuliere-
ment nostre Noblesse, nous aurions
par diuerses fois essayé d'apporter

quelque remede à ce mal par nos
 Declarations, qui portent defences
 de se servir de broderies & passe-
 mens d'or & d'argent, de dentelles,
 passemens, broderies de fil, & autres
 ouvrages qui s'appliquent sur la toi-
 le : Mais quelque soin que nous y
 ayons pû apporter, nous voyons (à
 nostre grand regret) que nos bon-
 nes intentions ont esté iusques icy
 sans aucun fruit, soit par vne ineli-
 nation naturelle de nosdits Subjets
 à ces despenses superflües, excitez
 par l'industrie des Marchands au-
 des de gain, soit aussi par vne negli-
 gence des Magistrats à faire obser-
 uer nos Reglemens. Et comme nous
 ne nous relaschons iamais des soins
 que nous voulõs auoir pour le bien
 de nosdits Subjets, nous auõs pensé
 qu'une plus longue tolerance de ce

desordre, seroit vn moyen infaillible pour les porter à leur ruine; qui seroit de grand prejudice à nostre Estat, & tres-advantageux à nos ennemis, qui profitent de ces superfluites, qui se tirent la plus-part de chez eux. A quoy donc voulant pourvoir, & considerant que la permission que nous auons donnée à nosdits Sujets par nos precedentes Declarations, de pouoir porter des baudriers, cordons de chapeaux, esguillettes & jartieres d'or & d'argent, & des dentelles & passemens de fil iusques à vn certain prix, peut auoir esté la cause de l'abus qui s'est introduit, Nous auons estimé que par vne defense generale de l'usage d'or & d'argent, & mesmes des passemens, dentelles, & autres ouurages de fil generalement quelconques,

nos Reglemens seroient plus exactement obseruez: SçAVOIR FAISONS, Qu'après auoir mis cét affaire en deliberation en nostre Conseil; DE l'Auis d'iceluy, & de nostre certaine science, plaine puissance & autorité Royale, NOUS AVONS statué & ordonné, statuons & ordonnons par ces presentes ce qui ensuit:

PREMIEREMENT.

Faisons tres-expresses inhibitions & defenses à tous nos Subjets, de quelque qualité & condition qu'ils soient, de porter és habits ou ornemens, comme cordons, baudriers, ceintures, porte-espées, esguillettes, escharpes, jartieres, noeuds, rubans, tissus, ou tels autres ornemens qui puissent estre, aucunes estoifes d'or & d'argent, ou barrées & mellées

d'or ou d'argent fin ou faux.

II.

Comme pareillement defendons de mettre sur lesdits habits ou autres ornemens, aucune broderie, piqueures, emboutissemens, chamarures de passement, boutons, houpes, chesnettes, porfileures, canetilles, paillettes, nœuds de soye, ou d'or ou d'argent fin ou faux, trait ou filé, ou de gex, ou autre chose semblable, qui pourrôt estre cousuës & appliquées en forme de broderie, & dont les habits ou autres ornemens puissent estre couverts & enrichis.

III.

Defendons aussi de faire appliquer sur lesdits habits ou autres ornemens, aucunes pierreries, perles, boutons d'or ou d'argent, simple ou doré, cuiure ou laton doré ou

esmaillé, & telle autre façon d'orfeurerie quelle qu'elle puisse estre.

IV.

Voulons que les plus riches & somptueux habillemens soient de velours, satin, taffetas & autres estoffes de soye, sans aucun enrichissement que de deux passemens ou dentelles de soye, de hauteur de deux doigts au plus: lesquelles dentelles seront appliquées sur les estoffes des habits, sans aucune estoffe entre-deux; sçauoir sur les habits des hommes, deux à l'entour du collet & bas de leurs manteaux, & sur le long & canon de leurs chausses, ouuerture des manches, haut de manches, au milieu du dos, & le long des boutons & boutonnières, & aux extrémités des basques des pourpointz ou iuppes.

Et au lieu desdits passemens & dentelles, permettons à nosdits Subjets de mettre sur leursdits habits, quatre rangs au plus de boutons ordinaires de soye, & vn rang de boutons à queue de soye, aux endroits des habits specifiez cy-dessus.

Et quant aux habits des femmes, filles & enfans portans robes, lesdits passemens y seront appliquez, sans pouuoir mettre aucune estoffe entre deux, ainsi que dessus: sçauoir deux passemens & dentelles de la susdite largeur, à l'entour du bas, & au deuant des robes & iuppes, sur le milieu des manches, autour des basques & corps de robes & iuppes.

Defendons en outre à tous nos
subjets,

subjets, de quelle qualité & cōdition qu'ils soient, de faire porter à leurs Pages, Laquais & Cochers, aucuns habits de soye, ou bandes de velours, satin, ou autre estoffe de soye: Voulons qu'ils soient vestus d'estoffe de laine, avec deux galons sur les coustures & extremittez des habits seulement.

VIII.

Voulons & entendons que ceux de nosdits subjets qui se trouuerōt contreuenans aux susdites defenses, soient condamnēz en quinze cens liures d'amende, applicable les deux tiers à l'Hospital principal du lieu où les contrauentions seront faites, & l'autre tiers au dénonciateur, voulās que les habillemens & autres ornemens qui seront cōtre nos defenses, soient pareillement confisquezz, dont la

moitié sera appliquée au profit du dénonciateur, & l'autre moitié au Commissaire, Archers & Sergens, qui les auront pris : n'entendons neantmoins comprendre aux susdites defences les gardes d'épées, & les bouts des fourreaux desdites épées, & les fourreaux.

IX.

Defendons à tous Tailleurs, Brodeurs, Pourpointiers, Chauffetiers & autres Ouyriers, tant de nostre suite, que demeurans aux Villes où ailleurs, de faire, ou faire faire aucuns habillemens, & autres choses cy-dessus defenduës, sur peine (s'ils sont trouvez contreuenans) pour la premiere fois de confiscation des estoifes & habits, & de trois cens liures d'amende, applicable comme dessus, & pour la seconde (outre la

dite confiscation & amende) d'estre
priuez de l'exercice de leur mestier,
& de punition corporelle.

X.

Desirans pareillement empescher
les despenses excessiues qui se font
en passements, dentelles, & autres
ouurages de fil. Nous faisons tres-
expreses inhibitions & defenses à
tous nos subjets, de quelque qualité
& conditions qu'ils soient, de porter
(huit jours apres la publication de la
presente Declaration) en leurs lin-
ges, collets, manchettes, bas à bot-
ter, & generalement en tous autres
linges, aucuns passemens, dentelles,
entré-toilles, découpeures, ny lan-
guettes, poinct de Gennes, Ponti-
gnacs, poincts-coupez, ou autres ou-
urages de fil quelconque; ny pareil-
lement faire appliquer sur lesdits

collets, manchettes, ou autres linges, aucunes broderies de soye, d'or, d'argent ou de fil, ny de mettre sous les collets & manchettes autre chose que de la toille simple, sans aucune façon. Voulons que ceux de nosdits subjets qui se trouueront auoir contreuenü aux susdites defences, soient condamnez en quinze cens liures d'amende, applicable, scauoir, les deux tiers à l'Hospital principal, & pour l'autre tiers, avec les ouurages qui seront contre nos defences, que nous voulons estre confisquez, la moitié sera appliquée au dénonciateur, & l'autre moitié au Commissaire, Archers & Sergens qui les auront pris.

XI.

Declarons neantmoins n'entendre comprendre aux susdites defences

les ouurages qui se feront pour servir dans les Eglises, permettant aux Ecclesiastiques de faire appliquer à leurs Rochets, Surplis, Aubes, & autres choses qui leur sont necessaires pour le service de l'Eglise, toute sorte de passément & ouurage de fil.

XII.

Et d'autant que les Marchands Lingers sont la principale cause du luxe & despenſes excessiues qui se font faites par nos subjets, Nous leur faisons tres-expresses inhibitions & defenses, & à tous nos autres subjets, de quelque qualité & condition qu'ils soient, d'achepter ny faire trafic d'aucuns ouurages de passemens faits hors nostre Royaume, ny mesmes d'achepter, ny faire trafic de poincts coupez, ou autres ouurages de fil faits en nostre Royaume, imi-

tans les ouurages des pays estrangers, fors de passemens de hauteur d'un pouce, que nous permettons estre faits par nos subjets, & acheptez par lesdits Marchands, & qui pourront estre vendus seulement pour estre mis aux ouurages seruans à l'Eglise.

XIII.

Et en cas de contrauention à nosdites defenses par lesdits Marchands ou autres nos subjets, Nous voulons que les marchandises qui seront par eux acheptrées, soient bruslées, & en outre que les contreuenans soient condamnez en quinze cens liures d'amende, applicable ainsi que dessus. Voulons de plus, que toute la marchandise des Marchands qui se trouueront auoir trafiqué tant dedans que dehors nostre Royaume,

desdits ouurages cy-dessus defendus, soit bruslée, & lesdits Marcháds condamnez en six mille liures d'amende applicable comme dessus, & priuez pour jamais de faire aucun exercice de marchandise, ny d'aucune autre charge.

XIIII.

Et afin que lesdits Marchands ne prennent occasion de continuer ledit trafic, supposans que ce sont marchandises qu'ils auoient auant nostre present Edict: Voulons & ordonnons que quinzaine apres la publication d'iceluy, ils se transportent és Greffes des Iurisdiction ordinaires des lieux où ils seront demeurans & domiciliez, pour là affirmer & declarer la quantité qu'ils ont pardeuers eux desdites marchandises, dont ils laisseront vn inuentaire si-

gné d'eux: Sur lequel inuentaie enjoignons ausdits Juges ordinaires de faire la visite desdites marchandises en presence des Maistres & Gardes de la marchandise, sans que pour ce, ils puissent prendre ny exiger aucun salaire.

XV.

Enjoignons pareillement aux Maistres Gardes desdites marchandises, de veiller & tenir la main, à ce qu'il ne s'achapte & débite aucunes des marchandises & ouurages defendus dans les boutiques des Marchands, & faire incontinent le rapport à la Police des contrauentions qui seront faites, à peine d'estre priez, pour leur negligence, de pouoir jamais exercer la marchandise.

XVI.

Voulons & entendons que les
Senten-

Sentences & Iugemens des confiscations & amendes qui seront rendus à l'encontre des contreuenans à nos presentes defenses, soient executez nonobstant oppositions ou appellations quelconques, & sans préjudice d'icelles. SI DONNONS EN MANDEMENT à nos amez & feaux Conseillers les Gens tenans nos Cours de Parlement, Baillifs, Seneschaux, Iuges, ou leurs Lieutenans, & à tous nos autres Iusticiers & Officiers qu'il appartiendra, Que ces presentes ils fassent lire, publier, registrer, executer, garder & observer inuiolablement selon leur forme & teneur. Enjoignons à nos Procureurs Generaux, leurs Substituts, y tenir la main, & faire toutes les diligences requises & necessaires pour ladite execution : CAR tel est

D

nostre plaisir. En témoin dequoy
 nous auons fait mettre nostre seel à
 cesdites presentes. **D O N N E'** à S.
 Germain en Laye le vingt-quatrie-
 me iour de Nouembre l'an de grace
 1639. Et de nostre regne le trenties-
 me. Signé, **L O V I S**, Et plus
 bas, Par le Roy, **D E L O M E N I E**,
 & scellée du grand Seau de cire jau-
 ne : Et encor est escrit :

*Letres, publiées & registrées,
 cūy & ce requerant le Procureur
 general du Roy, pour estre execu-
 tées, gardées & obseruées selon leur
 forme & teneur, & aux charges
 contenuës au Registre du deuxiè-
 me de ce mois, qui sont, qu'en con-
 sequence desdites Lettres, à ce que
 fraude ne soit faite à l'exécution*

d'icelles, conformément aux Arrests precedens, Ladite Cour fait iteratives inhibitions & defenses à toutes personnes de porter fraises ou collets où il y ait tant dessus que dessous, aucunes decoupures de toile, papier ou velin & peintures, ny mettre ou faire mettre aux linceuls et draps de lict aucuns passemens, dentelles, ou poinct-coupé, sur les peines portées par lesdites Lettres: Enjoint aux Officiers & Iuges ordinaires des lieux, de tenir la main à l'exécution desdites Lettres & Arrest: & copies collationnées d'icelles enuoyées aux Bailliages & Seneschaussées de ce ressort, pour y estre pareillement leuës, publiées, registrées & executées à la diligence des Substituts du

Procureur general, qui en certifieront la Cour auoir ce faict au mois. FAICT en Parlement le cinquième jour de Decembre mil six cens trente-neuf.

Signé, DV TILLET.

LE Samèdy vingt-huictième & dernier iour de Fevrier mil six cens quarante-trois, l'Arrest cy-dessus a esté leu & publié à son de trompe & cry public, par les Carrefours ordinaires & extraordinaires de cette Ville & Faux-bourgs de Paris, par moy Iean Iossier luré Crieur ordinaire du Roy en la Ville, Preuosté & Vicomté de Paris, accompagné de trois Trompettes commis de Pierre Gilbert, Gentien le Chable, Iurez Trompettes du Roy, & d'un autre Trompette. Signé, IOSSIER.







